

Broj: 03-04-1825-10/2025
Sarajevo, 26.11.2025. godine

PARLAMENT FEDERACIJE BOSNE I HERCEGOVINE

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Predstavnički dom

gđa. Bisenija Mušedinović, poslanik ✓
gosp. Ivan Miličević, sekretar

Primijeno: 26-11-2025			
Org. jed.	Broj	Priloga	Vrijednost
05/1	- 02 -	621	125

Predmet: Odgovor na poslaničko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), u prilogu Vam dostavljam akt Federalnog ministarstva obrazovanja i nauke, broj: 03-34-5747-1/25 od 18.11.2025. godine, koji sadrži odgovor na poslaničko pitanje, koje je postavila poslanik Bisenija Mušedinović.

S poštovanjem,



SEKRETAR VLADE

dr. sci. Edita Kalajdžić

Prilog: kao u tekstu

10064

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO OBRAZOVANJA I NAUKE
FEDERALNO MINISTARSTVO OBRAZOVANJA I ZNANOSTI

BOSNIA AND HERZEGOVINA
FEDERATION OF BOSNIA AND HERZEGOVINA
FBiH MINISTRY OF
EDUCATION AND SCIENCE

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ФЕДЕРАЛНО МИНИСТАРСТВО
ОБРАЗОВАЊА И НАУКЕ

Broj: 03-34-5747-1/25
Mostar, 18. 11. 2025. godine

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
Hamdije Čemerlića 2
71 000 Sarajevo

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

PRIM. BROJ:		24-11-2025	
Organizaciona jedinica	K	Služba	Broj
03-04		1825-10/2025	

PREDMET: Poslaničko pitanje gđe Bisenije Mušedinović, poslanik u Predstavničkom domu Parlamenta Federacije Bosne i Hercegovine, odgovor, dostavlja se

VEZA: Vaš akt, broj 03-04-1825-10/2025 od 3. 11. 2025. godine

Poštovani,

Federalno ministarstvo obrazovanja i nauke je zaprimilo vaš akt, broj i datum veze, u prilogu kojeg ste nam dostavili zastupnička pitanja gđe Bisenija Mušedinović, poslanika u Predstavničkom domu Parlamenta Federacije Bosne i Hercegovine, a koja su dostavljena Vladi Federacije BiH aktom predsjedavajućeg Predstavničkog doma Parlamenta Federacije BiH, broj: 05/1-02-621/25 od 29. 10. 2025. godine. Predmetna zastupnička pitanja glase:

„Koje konkretne aktivnosti Federalno ministarstvo obrazovanja i nauke provodi, planira ili koordinira s kantonalnim ministarstvima obrazovanja, a s ciljem ujednačavanja obrazovnog sistema na području Federacije BiH, u skladu sa okvirnim zakonima i strateškim dokumentima iz oblasti predškolskog, osnovnog, srednjeg i visokog obrazovanja? Da li Ministarstvo posjeduje mehanizme praćenja usklađenosti kantonalnih propisa s okvirnim zakonima, te koje mjere preduzima u slučaju značajnih odstupanja između kantona kada je riječ o standardima znanja, nastavnim planovima i programima, statusu nastavnika i kvalitetu obrazovanja?“

S tim u vezi vas obavještavamo o sljedećem:

Saradnja između Federalnog ministarstva obrazovanja i nauke i kantonalnih ministarstava obrazovanja se provodi kroz Koordinaciju ministara obrazovanja i nauke u Federaciji BiH koja je sastavljena upravo od nadležnih ministara obrazovanja iz Federacije BiH i kantona Federacije BiH. Naime, Federalno ministarstvo obrazovanja i nauke je, u skladu sa koordinirajućom ulogom koju ima u kreiranju jedinstvene obrazovne politike, potpisalo Memorandum o razumijevanju za uspostavljanje Koordinacije ministara obrazovanja i nauke Federacije Bosne i Hercegovine, sa Ministarstvom za odgoj i obrazovanje Kantona Sarajevo, Ministarstvom obrazovanja i nauke Tuzlanskog kantona, Ministarstvom obrazovanja, nauke, kulture i sporta Zeničko-dobojskog kantona, Ministarstvom obrazovanja, nauke, kulture i sporta Unsko-sanskog kantona i Ministarstvom za obrazovanje, mlade, nauku, kulturu i sport Bosansko-podrinjskog kantona Goražde. U cilju efikasnijeg koordiniranja u Federaciji Bosne i Hercegovine tokom procesa približavanja obrazovnih sistema u Federaciji Bosne i

Hercegovine sistemima razvijenih zemalja, kao i radi omogućavanja efikasnije provođenja započetih reformskih procesa u obrazovanju i nauci na nivou Federacije Bosne i Hercegovine, uspostavljena je Koordinacija ministara obrazovanja i nauke u Federaciji BiH. Dakle, u cilju harmonizacije obrazovne politike, pa samim tim, naravno, i udžbeničke politike u Federaciji Bosne i Hercegovine formirana je Koordinacija ministara obrazovanja i nauke u Federaciji BiH, koju čine ministri obrazovanja, potpisnici gore navedenog Memoranduma.


Imajući u vidu koordinirajuću ulogu Ministarstva, potrebno je napomenuti da se udžbenička politika u Federaciji BiH reguliše na osnovu aktuelne Odluke o postupku pripremanja i odobravanja udžbenika, radnih udžbenika i drugih nastavnih sredstava za osnovne i srednje škole u Federaciji BiH, koju je donijela gore navedena Koordinacija ministara. Ovom odlukom uređuje se pojam udžbenika, radnog udžbenika i drugih nastavnih sredstava, uslovi i postupak njihovog odobravanja, povlačenje udžbenika iz upotrebe, minimalni tehnički uslovi odštampalog udžbenika, prava i obaveze izdavača, recenzenata i svih drugih sudionika (nastavnika, škola, ministarstava, pedagoških zavoda, itd.) u procesu odobravanja za upotrebu udžbenika, radnih udžbenika i drugih nastavnih sredstava u osnovnim i srednjim školama. U skladu sa aktuelnom Odlukom upravo Federalno ministarstvo obrazovanja i nauke, na prijedlog Koordinacije, objavljuje Spisak odobrenih radnih udžbenika, udžbenika, priručnika i drugih nastavnih sredstava za osnovnu školu, gimnaziju, srednju tehničku i stručnu školu za narednu školsku godinu, do 1. augusta tekuće godine na web-stranici Ministarstva. Svaki odobreni udžbenik koji se nalazi na Spisku odobrenih udžbenika prolazi proceduru definisanu gore navedenom odlukom i koristi se u osnovnim i srednjim školama u Unsko-sanskom, Tuzlanskom, Zeničko-dobojskom, Bosansko-podrinjskom, dijelu Srednjobosanskog i dijelu Hercegovačko-neretvanskog kantona i Kantona Sarajevo, što svjedoči o jedinstvenom stavu koji su zauzeli ministri obrazovanja **po pitanju harmoniziranja, odnosno usklađivanja udžbeničke politike u Federaciji BiH**. Što se tiče nastavnih planova i programa, potrebno je napomenuti da krajnju odluku o tome koji nastavni plan i program se realizuje na nivou kantona, u koje su unesene specifičnosti svakog od njih, donose kantonalna ministarstva obrazovanja, u skladu sa njihovim nadležnostima.

U toku je uspostavljanje savjetodavnog tijela za koordinaciju i harmonizaciju aktivnosti u oblasti integralnog obrazovanja u Federaciji Bosne i Hercegovine, u skladu sa dopisom Federalnog ministarstva obrazovanja i nauke dostavljenim svim kantonalnim ministarstvima nadležnim za oblast obrazovanja, kojim se traži imenovanje stručnih osoba, članova ovog tijela koje će u punom kapacitetu promovisati i podržavati saradnju koja ima za cilj **harmonizaciju obrazovnih politika, vertikalnu i horizontalnu prohodnost učenika u Federaciji Bosne i Hercegovine, kao i ujednačenje uslova za rad prosvjetnih radnika**.

Pored Koordinacije ministara, Federalno ministarstvo obrazovanja i nauke nastoji organizovati tematska savjetovanja problematizirajući aktuelne oblasti u visokom obrazovanju sa relevantnim učesnicima uz pozive i kantonalnim ministarstvima obrazovanja. Tako je u protekle dvije godine održano nekoliko savjetovanja na sljedeće teme: Visoko obrazovanje u Federaciji Bosne i Hercegovine stanje i perspektive razvoja; Osiguranje kvaliteta u visokom obrazovanju; Prevencija korupcije u visokom obrazovanju; Upotreba akademskih naučnih/znanstvenih i stručnih zvanja i njihovih skraćenica u Federaciji Bosne i Hercegovine. Održana je i radionica sa predstavnicima studentskih organizacija na temu: Ostvarivanje, zaštita i unapređenje studentskih prava u Federaciji BiH.

Dakle, imajući u vidu da su, u skladu sa članom III 4. Ustava Federacije Bosne i Hercegovine, kantoni nadležni za utvrđivanje obrazovne politike, uključujući donošenje propisa o obrazovanju i nauke, kao i nastavnih planova i programa, Federalno ministarstvo obrazovanja i nauke je poduzelo niz gore navedenih aktivnosti, a sve u cilju harmonizacije obrazovne politike u Bosni i Hercegovini, tj. stvaranja jednakih uslova, ali i jednakog pristupa obrazovnom i naučnom procesu svakom učeniku, studentu, prosvjetnom i naučnom radniku u Federaciji Bosne i Hercegovine.

S poštovanjem,



Dostavljeno:

- naslovu
- a/a